



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacros. Concilii Tridentini Canones Et Decreta

Gallemart, Jean

Coloniæ Agrippinæ, 1621

Decretum prorogationis Seßionis.

urn:nbn:de:hbz:466:1-39157

SESSIO NONA.

BONONIAE CELEBRATA DIE
XXI. MENSIS APRILIS,
M. D. XLVII.

Decretum prorogationis Sessionis:

AEc sacrosancta & ecumenica & generalis Synodus, quae dudum in civitate Tridenti congregata erat, nunc Bononiae in Spiritu sancto legitimè congregata, præsidentibus in eanova mine Sanctissimi in Christo Patris & Domini nostri, Domini Pauli, diuina prouidentia Papæ IIII. eiusdem Reuerendissimis Dominis D. Io. Maria, Episcopo Prænestino, de Monte, & Marcello, tit. S. Crucis in Hierusalem Presbytero, S. R. E. Cardinalibus, & Apostolicis de latere Legatis, considerans quod die undecima mensis Martij, præsentis anni, in generali publica Sessione, in eisdem ciuitate Tridenti, & in loco consueto celebrata, omnibusque agendis de more peractis, ex causis tunc instanteribus, urgentibus, & legitimis, interueniente etiam auctoritate sanctæ Sedis Apostolice, eisdem Reuerendissimis præsidentibus etiam specialiter concessa, decretum & ordinavit, Concilium ex eo loco in hanc ciuitatem transferendum esse, sicut transtulit; itemque Sessionem præsenti die vigesima prima Aprilis, illic indictam, ut de Sacramentorum & reformationis materijs, de quibus tractandum proposuerat, canones sanctirerintur & promulgantur, in hac ipsa ciuitate Bononiae celebrari debere. Consideransque nonnullos ex Patribus, qui in hoc Concilio interesse consueuerunt, his superioribus, maioris hebdomadæ, & solemnitatis Paschalis, diebus, in proprijs Ecclesiis occupatos, aliquos etiam alijs impedimentis detentos, huc nondum accessisse, quos tamen breui affuturos sperandum est; ac propterea factum esse, ut non ea, quam sancta Synodus desiderabat, Prælatorum frequentia pos-

tueret.

tuerint materiæ ipsæ Sacramentorū & reformationis exactionis examinari & discui: ut omnia maturo consilio, cū dignitate & grauitate debita fiant; bonum, opportunum, & expediens censuit, censemq; Sessionem prædictam, quæ hoc ipso die, vt præfertur, celebranda erat, ad diem Iouis, infra Octauam Pentecostes proximè futuram, quo ad ipsas materias expediendas, differendam & prorogandam esse, quemadmodum differt ac prorogat; quam diem & rei gerendæ maximè opportunam, & Patribus præsertim absentibus pere commodam iudicauit & iudicat: Hoc tamen adiecto, quod terminum ipsum ipsa sancta Synodus, pro eius arbitrio & voluntate, sicuti rebus Concilij puruerit expedire, etiam in priuata Congregatione, restrin gere & imminuere possit & valeat.

SESSIO DECIMA,

BONONIAE CELEBRATA DIE

II. MENSIS IVNII,

M. D. XLVII.

Decretum prorogationis Sessionis.



AMVIS hæc sacrosancta ecumenica & generalis Synodus Sessionem, quæ die vigesima prima mensis Aprilis proxime præteriti, super Sacramentorum & reformationis materijs in hac inclyta ciuitate Bononiae, ex decreto, in urbe Tridentina, in publica Sessione, die vndecima mensis Martij promulgato, celebranda erat, propter alias causas, ac præsertim propter absentiam nonnullorum Patrum, quos breui affuturos sperabat, ad hunc præsentem diem differendam & prorogandam esse determinauerit: volens tamen cum ijs, qui non venerunt, etiam adhuc benignè agere eadem sacrosancta Synodus, in Spi-